



## PROPOSTA DE RESOLUCIÓN DEFINITIVA XUNTA DIRECTIVA

D. Omar Enrique Lucci Muñoa, maior de idade, con DNI número 49.334.278-Z, como secretario da asociación Grupo de Acción Local do Sector Pesqueiro (GALP) Ártabro Norte, con NIF número G-70.454.657, e domicilio social na Casa do pescador de Miño, rúa do Curro nº 33, código postal 15630, Miño, provincia de A Coruña, en virtude das competencias que teño atribuídas en virtude do artigo 22 dos Estatutos da mesma,

### CERTIFICO QUE,

Que segundo se recolle na acta da reunión de Xunta Directiva celebrada o día 27 de setembro de 2019 na Casa do Pescador do Concello de Miño, no punto 2. "Relación de proxectos presentados na segunda fase da Convocatoria 2019 e aprobación por parte da Xunta Directiva da resolución provisional para a súa posterior publicación e proposta resolución definitiva para ser enviados á Consellería do Mar para a súa aprobación", os membros da Xunta Directiva (estando presentes 7 representantes dos trece que conforman a Xunta Directiva) acordaron o seguinte en relación á proposta de resolución:

1. A Xunta Directiva do GALP Golfo Ártabro Norte seleccionou provisionalmente os proxectos que considerou prioritarios para a execución da súa Estratexia de Desenvolvemento Local Participativo, de conformidade cos criterios establecidos nesta, e no estipulado na "Orde de Axudas do 21 de decembro de 2018 pola que se establecen as bases reguladoras para a concesión de axudas para proxectos ao abeiro das Estratexias de desenvolvemento local participativo (EDLP), aprobadas para os grupos de acción local do sector pesqueiro para o desenvolvemento sustentable das zonas de pesca no marco do Fondo Europeo Marítimo e de Pesca 2014-2020, e se convocan as correspondentes ao ano 2019".
2. Todos os membros da Xunta Directiva asinaron antes do comezo da reunión, asinaron a declaración de ausencia de conflito de intereses, e ausentáronse da mesma, no momento da votación do proxecto, no caso da súa implicación nos mesmos.
3. A Consellería do Mar, resolveu o 11 de febreiro de 2019 autorizar a modificación da Estratexia de Desenvolvemento Local Participativo (EDLP) do Grupo de Acción Local do Sector Pesqueiro Golfo Ártabro Norte, segundo a comunicación recibida neste GALP o día 12 de febreiro, estando incluídos os criterios de baremación, que son os utilizados polo equipo técnico deste GALP nesta Convocatoria 2019. Estas modificacións poden consultarse no seguinte enlace: <https://galpgolfoartabronorte.blogspot.com/2019/02/resolucion-de-aprobacion-da.html>
4. Nos caso de empate nas puntuacións dos proxectos tras aplicar os criterios de selección, o equipo técnico aplicou o punto 10 do artigo 23 "fase de instrución" da Orde de Axudas do 21 de decembro de 2018.





5. A proposta de resolución provisional de Xunta Directiva para proxectos produtivos da 2ª fase de adxudicación de axudas, Convocatoria 2019, non crea ningún dereito a favor do solicitante proposto, estando suxeita á dispoñibilidade orzamentaria de crédito para proxectos produtivos nesta convocatoria 2019. Publicouse xunto Anexo I. Proposta de resolución provisional Xunta Directiva para proxectos produtivos e o Anexo II. Proposta de resolución provisional de proxectos desestimados Xunta Directiva, na páxina web dos Grupos de Acción Local do Sector Pesqueiro de Galicia (<https://galp.xunta.gal/>) e no blog do GALP Golfo Ártabro Norte <https://galpgolfoartabronorte.blogspot.com/>
6. Outorgouse un prazo de alegacións de 5 días hábiles contados dende a data da súa publicación no taboleiro de anuncios do GALP Golfo Ártabro Norte e nas diferentes páxinas web, que foi o día 1 de outubro de 2019.
7. Rematado o prazo de alegacións o día 8 de outubro de 2019, no foi recibida ningunha ao respecto, na sede do GALP Golfo Ártabro Norte.
8. Os membros da Xunta Directiva acordan que unha vez publicada a resolución provisional -segundo o Artigo 24 da Orde de 21 de decembro de 2018- e abrir un prazo de achegas de 5 días hábiles; no caso de non recibir alegacións ao respecto, **quedarían aprobadas definitivamente as propostas da resolución provisional**, elevando a público unha proposta de **resolución definitiva de proxectos produtivos**, sen necesidade de levar a cabo unha nova reunión de Xunta Directiva presencial, ao non existir alegacións nin modificacións de ningún aspecto nos acordos tomados nos diferentes proxectos nesta reunión, e que tiveran que ser novamente debatidos polos membros.
9. A Xunta Directiva eleva a público unha proposta de resolución definitiva de proxectos produtivos da 2ª fase de adxudicación de axudas, Convocatoria 2019, tendo en conta todo o anterior, que será trasladada á Consellería do Mar para a súa aprobación definitiva
10. Informar que esta proposta de resolución DEFINITIVA, xunto cos correspondentes anexos, publicarase no taboleiro de anuncios do GALP Golfo Ártabro Norte, así como na páxina web dos GALP de Galicia (<https://galp.xunta.gal/>) e no blog do GALP Golfo Ártabro Norte (<https://galpgolfoartabronorte.blogspot.com/>)

E para que conste, aos efectos oportunos

Miño, 9 de outubro de 2019

Visto e prace

Asdo.: José Manuel Fernández Lage  
Presidente



Asdo.: Omar Enrique Lucci Muño  
Secretario

